


IBhayibheli LaBantwana Likulethela



Inkosi
Enhle
Eyisiwula



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Lyn Doerksen

Itolikwe ngu: Goodwill Sithembiso Gwala

Ikhizwe ngu: Bible for Children

www.M1914.org


©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



uSamuweli, umahluleli nomhholi wakwa-Israyeli wayesemdala. Wabeka amadodana akhe abe abahluleli phezu kuka Israyeli, esikhundleni sakhe enkonzweni kaNkulunkuku. Kodwa amadodana kaSamuweli ayekhohlakele. Babeyithanda imali futhi besebenzisa amandla ukuze bathole imali

ngokungathembeki.




Abantu bahlupheka ngenxa yobubi bamadodana.
Izinkatolo bezingenabo ubulungiswa. Abantu
kwakumele bakhokhele amadodana kaSamuweli njalo
uma befuna usizo.



Kwakufanele kwenziwe okuthize. Ngelinye ilanga abadala bakwa Israyeli babuthana ndawonye bacela usizo kuSamuweli.




"Sinike inkosi ezosahlulela," amadoda amadala abuza. Ayengafuni amadodana amabi kaSamuweli ukuba abahlulele. Ayefuna inkosi njengazo zonke izizwe ezaziwazungezile.



USamuweli wathukuthela. U-Israyeli wayesenenkosi kakade! UNkulunkulu uSomandla, oPhakade, wabusa u-Israyeli. Esikhathini esidala esidlulile, Wabakhipha ebugqilini baseGibhithe, ebavulela uLwandle oLubomvu ukuze babaleke.






Wayesenika u-Israyeli
izwe labo elihle.



Lapho uSamuweli ekhuleka, uJehova wathi,
"Abakulahlanga wena, kodwa balahle Mina, ukuze
ngingabusi phezu kwabo. Bakhonze abanye
onkulunkulu. Lalela
izikhalo zabo
ubenzele inkosi."



UNkulunkulu watshela
uSamuweli ukuba axhwayise
abantu




ukuthi inkosi yabo
yasemhlabeni
yayizothatha imali
yabo ngentela;
azisize emasimini
abo amahle kakhulu
nezivuno; afake
amadodana abo
emabuthweni akhe;
futhi uzoyala
namadodakazi abo
ukuba
amusebenzele.



Isivini Sasebukhosini

Kodwa abantu
babefuna inkosi
noma kunjalo.


Phumela



UNkulunkulu waholela uSamuweli
endodeni eyayiyinhle, inamahloni, futhi
iYINDE kakhulu - yayiyinde edlula

amakhanda awowonke
umuntu. Igama layo
kwakunguSawule. Lapho
uSamuweli ebona
uSawule, uJehova
wathi, "Lo uyokuba
inkosi abuse
abantu bami."





Ngokulalela, uSamuweli
wagcoba uSawule
ukube abe yinkosi
yakwa-Israyeli.
Lapho eletha uSawuli
phambi kwabantwana
bakwa-Israyeli
bamemeza bathi
"Phila Njalo Nkosi."



Ngokushesha inkosi uSawule yavivinywa.
Abakwa-Amoni, ababezonda i-Israyeli, bazungeza
umuzi ka-Israyeli basongela ukuthi bazokhipha wonke
umuntu iso lwesokudla. Icebo elinonya ngempela!



Izindaba zezinsongo zafika
kwiNkosi uSawule.

Walungisa ibutho
lakhe.







Lapho amabutho
ehlangana, uSawule
wabhubhisa
ama-Amoni
wakhulula idolobha.
Inkosi uSawule
yanikeza
uNkulunkulu
inkazumulo, yathi
"... namhlanje
uJehova ufezile
ukusindiswa
kukwa-Israyeli!"




UNkulunkulu wanika uSawule isingobo esikhulu ngalolosuku. Kodwa uSawule wayengamhloniphi uNkulunkulu ngaso sonke isikhathi. Ngelinye ilanga, phambi kokuba alwe namaFilisti, USawule wenza isihlatshelo kuNkulunkulu.



Wayazi ukuthi lowo kwakungumsebenzi kaSamuweli.
Wayazi ukuthi uNkulunkulu wayefuna alinde
uSamuweli aze azowenza. Kodwa uSawule akazange
amulalele uNkulunkulu.




Lapho uSamuweli efika, wathi kuSawule,
"Wenze ubuwula. Awugcinanga umyalelo
kaJEHOVA uNkulunkulu wakho. Manje umbuso
wakho ngeke usaqhubeka."



Kungenzeka uSawule wacabanga ukuthi kwakuyisono esincane. Kodwa ukungamlaleli uNkulunkulu kubi ngasonke isikhathi.



Ngesinye isikhathi, UNkukunkulu wayala uSawule ukuba abhubhise ama-Amaleki. Kodwa uSawule nabantu basindisa inkosi u-Agagi inkosi yama-Amaleki.



Babuye bagcina izinto eziyigugu, izimvu nezinkabi. USawule wathi bebezigcina lezinto ukuthi bahlabele uNkulunkulu.





USamuweli wathi
kuSawule, "Ukulalela
kungcono kunomhlatshelo.
Ulilahlile izwi likaJehova, futhi
inkosi yalile ukuba ube yinkosi
phezu kuka-Israyeli." USawuli
wazisola kakhulu ngesono
sakhe. Kodwa kwase kuphuze
kakhulu. Impilo yakhe
yonke yayingamthokozisi
ngoba akazange
alalele uNkulunkulu.



Inkosi Enhle Eyisiwula


Indaba evela kwiZwi laNkulunkulu,
iBhayibheli,

Itholakala

1 Samuweli 8-16

“Ukwambulwa kwaMazwi Akho kuyakhanyisa.”
AmaHubo 119:130






Yaphela



18



60



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu:
Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

